

EFTIRLITSSKÝRSLA

Loðnuvinnslan Fáskrúðsfirði Fáskrúðsfirði



Dags eftirlits	17.12.2020	Ábyrgðarmaður eftirlits	Gottskálf Friðgeirsson
Fyrirtæki	Loðnuvinnslan Fáskrúðsfirði	Eftirlitsmaður	Ólöf Vilbergsdóttir
Heimili	Hafnargötu 1, Fáskrúðsfirði	Tegund eftirlits	Framselt eftirlit
Kennitala	581201-2650	Flokkur	Fiskimjölsverksmiðja
Fulltrúi fyrirtækis	Magnús Ásgrímsson	ÍSAT nr.	15.20.72
Fulltrúi fyrirtækis		Staðsetning	735718,92 501484,078

NIÐURSTAÐA EFTIRLITS

Engin frávik komu fram í eftirlitsferðinni en fjórum ábendingum var komið á framfæri.

Rekstraraðili er beðinn um að senda upplýsingar um olúgeyma til eftirlitsaðila.

UMFANG EFTIRLITS

Eftirlitið var framkvæmt af Heilbrigðiseftirliti Austurlands samkvæmt samningi þar um. Eftirlitsmaður var Ólöf Vilbergsdóttir.

Loðnuvinnslan er með starfsleyfi sem gefið var út af Umhverfisstofnun 17. september 2014 og gildir til 17. september 2030. Heimilt er að framleiða fiskimjöl og lýsi úr fiski, afskurði og aukaafurðum, sem ætlaðar eru til vinnslu í verksmiðjunni. Einnig er heimil flokkun á fiski og hrognataka og nýta í framleiðslu sína frákast frá þeirri vinnslu. Rekstraraðila er heimilt að framleiða úr allt að 1.000 tonnum af hráefni á sólahring.

Eftirlitsheimsóknin hófst á fundi með Magnúsi Ásgrímssyni, verksmiðjustjóra. Dagskrá fundar var eftirfarandi:

1. Síðustu eftirlitsskýrslur (ábendingar og frávik)
2. Kröfur í starfsleyfi um áætlanir, mælingar, skýrslur, tilkynningar og skráningar rekstraraðila
3. Tíðni eftirlits og kerfisbundið mat á áhættu
4. Önnur mál, atvik, óhöpp og kvartanir
5. Mengunaráhöpp og tilkynningar / skráning olúgeyma skv. reglugerð nr. 884/2017.
6. Þykktarmælingar á olíu- og lýsisgeymum og þrýstiprófanir á niðurgrofnum olíu- og lýsislögnum skv. reglugerð 884/2017.

1. Síðustu eftirlitsskýrslur

Í síðasta eftirliti voru engin frávik skráð frá starfsleyfi, lögum og reglugerðum.

2. Kröfur í starfsleyfi

Áætlanir: Hreinlætisáætlun fyrir gólf verksmiðjuhús og önnur svæði er til staðar og kvittað er fyrir þrifum. Viðbragðsáætlun vegna bráðamengunar er til staðar og aðgengileg eftirlitsaðila. Þar kemur meðal annars fram hvert tilkynna á óhappið og aðgerðir til að koma í veg fyrir frekari mengun. Rætt var um að þær tilkynningar sem sendar eru til Umhverfisstofnunar inniheldu ákveðnar upplýsingar sem fram koma á leiðbeiningum um tilkynningar vegna bráðamengunar frá stofnuninni.

Rekstraraðili er með gilda tryggingu vegna bráðamengunar.

Mælingar: TVN gildi og hitastig hráefnis er mælt og skráð reglulega, skráningar eru aðgengilegar og einnig sendar til Umhverfisstofnunar. Í starfsleyfi er krafa um að TVN gildi í hráefni skal ekki fara upp fyrir 100 mg N/100 g og þegar mælingar eru skoðaða sést að þessi krafa er uppfyllt.

Mælingar í frárennsli verksmiðju á að gera árlega. Mælingar voru gerðar í maí sl. og öll gildi voru innan losunarmarka í starfsleyfi.

Skýrslur: Grænu bókhaldi vegna ársins 2019 hefur verið skilað sem og yfirlýsingu um magn mengandi efna varðandi útstreymisbókhald.

Tilkynningar: Skv. grein 1.5 í starfsleyfi á rekstraraðili, þegar um ártíðabundna starfsemi er að ræða, að tilkynna eftirlitsaðila hvenær vertíð hefst og hvenær henni líkur. Greint var frá að rekstrarstöðvanir eru yfirleitt mjög stuttar.

Skráningar: Skráningar eiga sér stað eins og krafa er um í starfsleyfi. Skráningar á viðhaldi, eftirliti og bilunum í mengunarnabúnaði mæddi halda betur utan um og það sendur til að hefja skráningar inn í nýju kerfi.

Rekstraraðili hefur sett sér umhverfisstefnu. Minnt er á mikilvægi þess að starfsmenn séu vel upplýstir um stefnuna.

3. Tíðni eftirlits og kerfisbundið mat á áhættu

Farið var yfir áhættumat frá síðasta eftirliti en út frá því var tíðni eftirlits þessa árs ákveðin, eitt eftirlit á ári. Unnið var að áhættumati þessa árs þar sem tekið var tillit til breytinga. Í lok árs mun Umhverfisstofnun rýna heildrænt niðurstöður áhættumatsins og nota sem grunn við gerð eftirlitsáætlunar 2021.

4. Önnur mál, atvik, óhöpp og kvartanir

Farið var yfir flutning á hráefni til verksmiðju. Allt hráefni kemur í lögnum frá starfstöðum fyrirtækisins nema

bolfisksafskurður. Afskurður kemur í körum sem flutt eru í lokuðum bíl. Kör eru þrifu í þvottastöð með frárennsli tengt í fitugildru.

Engar kvartanir hafa borist vegna starfseminnar og engin óhöpp hafa verið skráð frá því að verksmiðjan var síðast heimsótt.

5. Mengunaróhöpp og tilkynningar / skráning oliugeyma skv. reglugerð nr. 884/2017.

Engin mengunaróhöpp hafa átt sér stað frá síðasta eftirliti.

Í 5. gr. reglugerðar nr. 884/2017 um varnir gegn olíumengun frá starfsemi á landi er fjallað um eftirlitsskyldu Umhverfisstofnunar og heilbrigðisnefnda varðandi eldsneytisgeyma og flutning olíu. Í samræmi við ákvæði reglugerðarinnar var óskað eftir upplýsingum um neyslu-, húsa-, bryggju- og lausageyma rekstraraðila. Eyðublaðið; **2020 Gagnasöfnun fyrir oliugeyma** var afhent og óskar var eftir að upplýsingar væri sendar til eftirlitsaðila.

6. Þykktarmælingar á olíu- og lýsisgeymum og þrýstiprófanir á niðurgröfnum olíu- og lýsislögnum skv. reglugerð 884/2017.

Þykktarmælingar og þrýstiprófanir hafa ekki verið gerðar en þykktarmæla á olíu- og lýsisgeyma á 10 ára fresti og þrýstiprófa niðurgrafna olíu- og lýsislagnir á 5 ára fresti. Skila á niðurstöðum mælinga til Umhverfisstofnunar.

Að fundi loknum var farið í skoðunarferð um verksmiðjuna og athafnasvæði hennar. Lekavarnarþró umhverfis lýsisgeyma var skoðuð. Vegna mikilla rigninga var dælubúnaður á staðnum til að dæla regnvatni úr þró. Skoðað var inn í efnageymslur. Inn í efnageymslu sem er utan á húsinu eru tveir bambar með sýru og basa. Niðurfall er inn í geymslunni og einnig getur efni lekið út um hurð ef óhapp á sér stað. Í efnageymslu inni voru 8 bambar, 7 tunnur og nokkrir brúsar með hreinsiefnum og öðrum efnum. Líklega er ekki niðurfall í geymslunni en efni geta auðveldlega lekið úr geymslu í niðurfall fyrir framan ef óhapp á sér stað. Við geymslu og meðhöndlun efna skal takmarka mengunarhættu eins og kostur er. Rekstraraðili þarf að tryggja að efni leki ekki í fráveitu ef óhapp á sér stað.

Öryggisblöð voru tiltæk í geymslunni inni. Athafnarsvæði var mjög snyrtilegt.

ÁBENDINGAR

1. Rekstraraðila er bent á að tilkynna skal eftirlitsaðila hvenær vertíð hefst og hvenær henni lýkur, sbr. gr. 1.5 í starfsleyfi.
2. Rekstraraðila er bent á að skv. starfsleyfi gr. 3.1 á að skrá viðhald, eftirlit og bilanir í mengunarvarnabúnaði þ. e. lyktareyðingarbúnaði, fitugildru og öðrum hreinsibúnaði fyrir frárennsli.
3. Rekstraraðili er bent á að þykktarmæling þarf olíu- og lýsisgeyma og þrýstiprófa niðurgrafna olíu- og lýsislagnir sbr. gr. 20 í reglugerð nr. 884/2017. Skila á niðurstöðum mælinga til Umhverfisstofnunar.
4. Rekstraraðila er bent á að við geymslu og meðhöndlun efna skal takmarka mengunarhættu eins og kostur er. Rekstraraðili þarf að tryggja að efni leki ekki í fráveitu ef óhapp á sér stað.

29.12.2020

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Ábending: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.



Gottskálk Friðgeirsson